



Inatsisartunut ilaasortaq Jane Petersen, Inuit Ataqtigiit

Naalagaaffiit Peqatigiit innarluutillit pillugit isumaqatigiissutaannik sulinerup inissisimaneranut apeqquut pillugu

Asasara inatsisartunut ilaasortaq Jane Petersen

Naalagaaffiit Peqatigiit innarluutillit pillugit isumaqatigiissutaannut apeqqutinnut qujanaq.

Apeqquut 1. **Inatsisartut 2011-mi ukiakkut ataatsimiinneranni oqaluuserisassatut siunnersuutigaara Naalagaaffiit Peqatigiit innarluuteqartunut pisinnaatitaaffii pillugit isumaqatigiissummut nunatta inissisimamera pillugu 2012-i naatinngalu nalunaarusiortoqassasoq. Naalakkersuisullu akissuteqaatiminni tamanna ilalerpaat. Taamaattumillu apererusuppunga suliaq tamanna sumut killinnersoq?**

Akissut: Paasissutissiissutigineqarsinnaavoq, Naalagaaffiit Peqatigiit innarluutillit pillugit isumaqatigiissutaannut Kalaallit Nunaat ilaaginnassanersoq, Naalakkersuisut aalajangernissaannut naleqquttumik tunngaviusussamik piffissami matumani nassuiaammik suliarinnineq Naalakkersuisut aallartimmassuk. Naalagaaffiit Peqatigiit isumaqatigiissutaata atuutilersinneqarnerata kingunerisassai pillugit paasissutissanik, kiisalu Naalagaaffiit Peqatigiit innarluutillit pillugit isumaqatigiissutaata suliarineranut tunuliaqutaasut pillugit paasissutissat nalinginnaanerusunik allanik, isumaqatigiissummik il.il. Kalaallit Nunaata malinnaanissaanut killiffiusumik nassuiaat ilaatigut imaqassaaq.

Apeqquut 2. **2012-mi ukiakkut ataatsimiinnermi isumaqatigiissutip akuersarneqarnissaanut Inatsisartuni aalajangiussassatut siunnersuummik saqqummiussinissamik Naalakkersuisut pilersaaruteqartut, Naalakkersuisup akissuteqaatimini paasissutissiissutigaa. Taamaamat apeqqutigerusuppara ukiamut Inatsisartut ataatsimiinnissaannut naatsorsuutigineqassanersoq Naalakkersuisut tamanna pillugu saqqummiussaqaqarumaarnersut? Saqqummiussisoqassappallu qanoq imaqassanersoq paaserusuppara.**

Akissut: Naalagaaffiit Peqatigiit innarluutillit pillugit isumaqatigiissutaannut Kalaallit Nunaata akuersinnaanera pillugu UKA 2012-imi siunnersuummik saqqummiussinissamik Naalakkersuisut pilersaarusiortut. Siunnersuut – isumaqatigiissutip atortuulersinneqarnissaa pillugu siunnersuutit allat assigalugit, siunnersuutit aalajangiiffigisassatut saqqummiunneqassaaq, aammalu tamanna pillugu aalajangersakkat ilusiliussassamullu piumasaqaataasut malillugit suliarineqassaaq.

Apeqquut 3. **Inatsisartunut oqaluuserisassaanut siunnersuutigisimasamma oqaluuserinngilaataani paasinarsivoq Naalagaaffiit Peqatigiit innarluutillit pillugit**

Suliap nr. 2012-069286
Dok. Nr. 966552
20. juli 2012
Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: ikinn@nanoq.gl
www.nanoq.gl

**isumaqatigiissutaat kukkunikkut qallunaat naalagaaffiata nunatsinnut
ilisimangisatsinnik atuuttussanngortissimagaa. Tamannamita Naalackersuisut
Inatsisartunit oqaluuserineqareernerata kingornatigut qanoq
iliuuseqarfigisimavaat?**

Akissut: Isumaginninnermut ministerip kukkuneq Naalackersuisunut utoqqatsissutigaa. Kalaallit Nunaat Naalagaaffiit Peqatigiit innarluutillit pillugit isumaqatigiissutaannut akuersissanngitsoq Inatsisartut aalajangissagaluarpata, isumaqatigiissummit Danmarkit tunuartaqassaaq. Matuma kingorna Danmarkit Savalimmiullu, Kalaallit Nunaat ilaatinagu, isumaqatigiissummut akuersaassanerlutik nutaamik isummertariaqassapput.

Qulaani taaneqareersut Naalagaaffiit Peqatigiit innarluutillit pillugit isumaqatigiissutaannut Kalaallit Nunaat akuersissanersoq UKA 2012-imi siunnersuummik saqqummiussiniarlutik Naalackersuisut siunertaraat.

**Apeqqut 4. Naalackersuisut pilersaaruteqarpat nunatsinni innarluuteqartut
pisinnaatitaaffiitut naleqquttumik ukiuni tullinnguuttuni inatsisigut
nutarsaanissamut? Nutarsaanissamullu siunniussisoqarsimappat suut
Naalackersuisunit eqqarsaataappat?**

Akissut: Innarluuteqartunut tunngasut Naalackersuisut alaatsinaappaat. Naalackersuisut nalinginnaasumik kissaatigaat Kalaallit Nunaanni inuit innarluutillit atugaasa pitsaanerulersinnissaat. Kisiannili innarluutillit pillugit inatsisiliomerinnaanngitsukkut inuit innarluutillit atugaat pitsaanerulersittariaqarput, aammattaarli inuit innarluuteqartut pisinnaatitaaffimminnik ilisimasaqassutsikkut nalinginnaasumik kiisalu pisinnaatitaaffiit taakkua atomissaannut periarfissaasa nukittorsaaffiginerisigut.

IPIS-ip, Innarluutillit pillugit Ilisimasaqarfik Siunnersuisarfiutigisup pilersinneratigut Naalackersuisut qulakkeerniarivaat, inuit innarluuteqartut qanigisaasalu tapersersorneqarnissaminnut siunnersorneqarnissamullu periarfissinneqarnissaat, kiisalu pisinnaatitaaffimminnik sianiginnilernissaat. Innarluutilinnut, qanigisaasunut, ilinniarsimallutik sulisunut allanullu, soqutiginnittunut aalajangersimasumik siunnerfilimmik IPIS ingerlaavartumik pikkorissarnernik ingerlatsisarpoq. Naalackersuisut isumaat unaavoq, ilisimasaqarneq aamma attaveqaatinik suleqatiginninneq innarluutillit pisinnaatitaaffiitut nukittorsaaqataasoq.

Naalackersuisut isumaqarput, sammisat arlariit iluanni piumasaqaatinik nalinginnaasunik sukaterisoqarsinnaasoq, innarluutillit innuttaasunut allanut nalogiissitaanissaat qulakkeerniarlugu. Soorlu assersuutigalugu tikikkuminartuunissaq pillugu illuliornermi malittarisassat taaneqarsinnaapput. Ineqarnermut, Attaveqarnermut Angallanermullu Naalackersuisoqarfik 2010-mi 2012-imilu akuliullutik suliaqartunut (sanaartortitsisut, iluarsartuullugu pilersaarussianut aqutsisunut sanaartornermilu sulialinnut) pikkorissarnernik ingerlatsivoq, ilaatigut aallaavigineqarput ajornartorsiutit innarluuteqartunut aporfiusut. Pikkorissarnermut siunertarineqartoq tassaavoq, siunissami sanaartornermi innarluuteqartut annertunerusumik isiginiarneqarnissaat.

Apeqquut 5. **Naalakkersuisut pilersaaruteqarpat inunnut assigiingisitsinnginnissamik inatsimmik innarluutilinnut iluaqutaasussamik inatsisiliornissaminnut?**

Akissut: Soorlu siusinnerusukkut oqaatigineqareersoq, UKA 2012-imi Naalagaaffiit Peqatigiit innarluutillit pillugit isumaqatigiissutaata Kalaallit Nunaata akuersinissaanut siunnersuummik saqqummiussinissaq Naalakkersuisut siunertaraat. Naalakkersuisut isumaqarput, akuersineq innarluutillit pisinnaatitaaffiit nukittorsaataassasoq.

Pingaaruteqarpoq innarluutillit innuttaasunut allanut naleqqiullugit ajornerusumik inissineqannginnissaat. Inatsisiliornikkut killiliussat soorunami qulakkeerinneqataassapput, innarluutillit innuttaasunut allanut naleqqiullugit immikkoortinneqannginnissaannut, inuiaqatigiinnilu innuttaasutut allatut assigiimmik pineqassallutik. Tamatuma saniatigut pingaaruteqarpoq, inuiaqatigiinni pissusilersornerup allanngortinnissaa sulissutigisariaqarpoq, innarluutillit isumalluutit inuiaqatigiinnut tunniusseqataasutut aamma isigineqartariaqarmata, inuttullu ikiorneqarnissaannarmik pisariaqartitsisutut isiginagit.

Innarluutilinnut isumaginninneq 1. januar 2011-mi kommuninut nuunneqarpoq, nuussinertu ukiup ataatsip tulluittup iluani naliliiffigineqassasoq naatsorsuutigineqarpoq. Tamatumunnga atatillugu nuussinermut pitsaasumik neriuuteqarnerit annertuumik innarluutilinnit nalinginnaasumillu inuiaqatigiinnit isigalugu tigulluarneqarsimanersut nalilersussallugu soqutiginnassaaq. Aammalu nalilersuineq nutaamik naliliinissamut pingaarutilimmik tunniussaqaarsinnaavoq, nunatsinni innarluutilinnit atugarineqartut qanoq ilioraanni pitsaanerulersinneqarsinnaanersut.

Inussiarnersumik inuulluaqqusillunga

Mimi Karlsen